



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Briet, Philippe

Parisiis, 1648

Cap. II. De Hibernia.

urn:nbn:de:hbz:466:1-13147

At Britannicè *Diuv Deum*, *Vvona* fontem sonat. Huc spectant & maiorum Galliaè Fluminum nomina Garumna Fl. rapidus, Britannicè *Garun* rapidus: Araris lentus, *Arar* lentum significat: Rhodanus incitatissimus, Britannicè *Rhedec* velociter currere est.

CAPVT II.

De Hibernia.

IN ea quinque excutienda sunt.

§. I. *Nomina Hibernia.*

PRIMUM est *Hiera* à voce Hibernicâ *Hiere* quæ Occidentem significat: aliæ itaque etymologiæ ridiculæ sunt. Malè ergo Festus Auienus putans vocem esse Græcam appellauit *Sacram*.

SECUNDVM *Iris* apud Diodorum Sic. & verò nunc ab indigenis *Exim* dicitur.

TERTIVM *Ierne* quo Strabo, Claudianus, & alij vtuntur.

QUARTVM *Iuerna* quod apud Solinum, Melam, & Iuuenalem legitur.

QUINTVM *parua Britannia*; sic eam nominauit Ptolemæus in *Almagesto*.

SEXTVM denique *Hibernia*, quo Cæsar, Ptolemæus in suâ *Geographiâ*, & alij passim vti.

§. 2. *Quantitas Hibernia.*

EI duplo minor extensio quàm Britannia à *Cæsare* tribuitur: *Solinus* ait proximare longitudine Britanniaè, *Pomponius* vtramque parem malè crediderunt.

LONGITVDO apud Plinium ex computo Agrippæ VI. c. P. M. tribuitur. Ptolemæo 2560. Stadiorum, seu 320. P. Millium: Martiano Heracleotæ denique 1834. Stadiorum.

LATITVDO Plinio est ccc. M. P. Ptolemæo 2060. Stadiorum, Heracleotæ 1834.

§. 3. *Qualitas Hibernia.*

FERTILITAS ei denegatur à Pomponio Mela, propter cælum ad maturanda femina iniquum; sed herbarum luxuries tanta tribuitur, vt hîc peccora rumpantur nisi prohibeantur pastu: quod æstate tantùm contingere, ait Solinus.

PROPRIETAS huius insulæ triplex, 1. Quòd hîc nullus nascatur anguis. 2. Quòd hîc aues raræ. 3. Quòd in eâ Apis nusquam videatur, imò indidem elatus puluis aut lapilli apes abigant ex alueariis.

§. 4. *Mores Hibernorum.*

1. *Crudeles* ab omnibus depinguntur: Gens inhospita, sanguine interemptorum priùs hausto vultus suos oblitit, *Solinus.*

2. *Pugnaces*: quare fœmina enixa marem primum cibum infert in os paruuli, mucrone mariti sui, optatque vt inter arma tantùm oppetat. Item omnis virorum gloria in armorum nitore. *Idem Solinus.*

3. *Turpissimi*, vt potè qui palam cum fœminis miscerentur, imò & cum fororibus, & matribus, *Strabo.*

4. Denique *impj*: Fas & nefas eodem animo ducunt; *Solinus.* Omnium virtutum ignari, & pietatis admodum expertes. *Mela.*

§. 5. *Politia Hibernorum.*

CREDIDERE aliqui Hiberniam venisse in potestatem Romanorum propter istud Iuuenalis,

— *Arma quid*

Vltra littore Iuerna promouimus?

Et Panegyristam Constantio dicentem recuperatam ab eo Britanniam, & omnes nationes terminis huius insulæ cohærentes; sed eas nunquam vidisse Ro. probabilius videtur: nam Iuuenalis de Orcadibus loquitur suo tempore domitis; Panegyricus omnia more suo amplificat. Sanè sub Domitiano, Agricola Regem huius insulæ detinuit intentus in occasionem eius regionis inuadendæ. Sub Honorio autem Imperatore occupata fuit à Scotis, quòd spectat illud Claudiani,

Scotorum cumulos fleuit glacialis Ierne.